

VENDIM
Nr. 554, datë 27.7.2016

**PËR SHPRONËSIMIN, PËR INTERES PUBLIK, TË PRONARËVE TË PASURIVE TË
PALUAJTSHME, PRONË PRIVATE, QË PREKEN NGA “ZGJERIMI I VARREZAVE
PUBLIKE “BURDULLIAS””, BASHKIA BERAT**

Në mbështetje të nenit 100 të Kushtetutës dhe të neneve 5, pika 1, 20 e 21, të ligjit nr. 8561, datë 22.12.1999, “Për shpronësimet dhe marrjen në përdorim të përkohshëm të pasurisë, pronë private, për interes publik”, me propozimin e ministrit të Punëve të Brendshme, Këshilli i Ministrave

VENDOSI:

1. Shpronësimin, për interes publik, të pronarëve të pasurive të paluajtshme, pronë private, që preken nga “Zgjerimi i varrezave publike “Burdullias””, Bashkia Berat.
 2. Shpronësimi bëhet në favor të Bashkisë Berat.
 3. Pronarët e pasurive të paluajtshme, që shpronësohen, të kompensohen, në vlerën e plotë, sipas masës përkatëse, që paraqitet në tabelën që i bashkëlidhet këtij vendimi, për pasurinë “truall”, me sipërfaqe 2 730 (dy mijë e shtatëqind e tridhjetë) m², me vlerë 11 419 590 (njëmbëdhjetë milionë e katërqind e nëntëmbëdhjetë mijë e pesëqind e nëntëdhjetë) lekë.
 4. Vlera e përgjithshme e shpronësimit prej 11 419 590 (njëmbëdhjetë milionë e katërqind e nëntëmbëdhjetë mijë e pesëqind e nëntëdhjetë) lekë, të përballohet nga të ardhurat e Bashkisë Berat, planifikuar në buxhetin e saj.
 5. Vlera e shpenzimeve procedurale të përballohet nga Bashkia Berat.
 6. Afati i përfundimit të shpronësimit të jetë tre muaj pas datës së hyrjes në fuqi të këtij vendimi.
 7. Afati i përfundimit të punimeve të objektit në Bashkinë Berat të jetë në përputhje me afatet e parashikuara nga kjo bashki.
 8. Regjistrimi i ri i pasurisë prej 2 730 (dy mijë e shtatëqind e tridhjetë) m² “truall”, për projektin “Zgjerim i varrezave publike “Burdullias”” të bëhet në favor të Bashkisë Berat.
 9. Ngarkohen Ministria e Punëve të Brendshme, Zyra Vendore e Regjistrimit të Pasurive të Paluajtshme Berat dhe Bashkia Berat për zbatimin e këtij vendimi.
- Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Edi Rama

LISTA EMËRORE E PERSONAVE DHE PRONAVE QË DO TË SHPRONËSOHEN PËR EFEKT TË
SHPRONËSIMIT, QË DO TË PËRDORET PËR “ZGJERIMIN E VARREZAVE PUBLIKE
“BURDULLIAS””,
NË BASHKINË E BERATIT

Nr.	Emri, mbiemri	Nr. i pasurisë	Zona Kadastrale	Sipërfaqja m ² truall	Çmimi në lek/m ²	Vlera në lek	Lloji i dokumentit të pronësisë
1	Feride Bego Myrifete Peshtani	4/157	8501	2730	4183	11 419 590	Konfirmim nga ZVRPP-ja me shkresën nr. 3209/1 prot., datë 19.8.2015
TOTALI						11 419 590	